

727 Iwer niftel Itonje

sol mîme neven gebieten ê,
daz er den kampf durch si verber;
sî, daz er ir minne ger,
5 sô wirt vûr wâr der kampf vermiten
gar mit strîteclîchen siten,
und helfet ouch dem neven mîn
hulde dâ zer herzogîn.«
Artus sprach: »daz wil ich tuon.
10 Gawan, mîner swester sun,
ist wol sô gewaldec ir,
daz si beidiu im unt ouch mir
durch ir zuht die schulde gît.
sô scheidet ir disehalp den strît.«
15 »Ich tuon«, sprach Brandelidelin.
si giengen beide wider in.
dô saz der kûnec von Punturtoys
zuo Ginovern; diu was kurtoys.
anderthalben ir saz Parzival;
20 der was ouch sô lieht gemâl,
nie ouge ersach sô schœnen man.
Artus, der kûnec, der huop sich dan
zuo sîme neven Gawan.
dem was ze wizzene getân,
25 der kûnec Gramoflanz wære komen.
dô wart ouch schiere vor im vernomen,
daz Artus erbeizte vorem gezelt;
gein dem sprang er ûfez velt.
Si truogen daz ze samne dâ,
30 daz diu herzogîn sprach suone »jâ«,

k. gein im v.; *T (nur U)

helfe ([helfe*]: helfet V) *T L Z Fr24

daz si im ([sim *]: sû beide V) unde mir (auch mir I) *G (*T)

ir ([*]: ir V) om. *G *T

ezne wart nie rîter baz getân. *G (*T)

kûnic, h. *G (*T)

gein sînem *G (*T)

was ouch zuo *T

sch. von im (von in I vor in L) v., *G (ohne Z) *T

daz om. *G *T

*D: D *m: m *G: G I L Z Fr20 Fr24 *T: U V

1 Initiale D 9 Initiale I Fr24 15 Majuskel D 27 Initiale I 29 Initiale D

6 strîteclîchen] strîteclîchem *m 7 ouch] ouch ir ([*]: ðch ir V) *m (V) 12 ouch] om. *m 13 ir] die *m 14 disehalp] anderhalp *m 22 Artus (Artus der kûnig V) huop sich her
dan ([*]: her dan V) *m (V) 27 daz] om. *m 29 Si] +i D